



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De monacho de Porceto, cap. 9.

**urn:nbn:de:hbz:466:1-13177**

displacent, & poena digni sunt apud homines, quia men ab his dicta vel facta placent: ita est de simplicibus, qui, ut sic dicam, ioculatores Dei sunt, sanctorum que angelorum: quorum opera si hi, qui simplices non sunt, quandoque facerent, haud dubium quin Deum offenderent, qui in eis, dum per simplices sunt, delectatur.

## CAPUT IX.

*Simpli-  
cium a-  
etia Deo  
placent.*

*Ezecl. 4.*

*Psal. 50.*

**I**N Porceto monachus quidam fuit tantæ simplicitatis, ut singulis penè diebus in balneis, quæ ibi ante ostium monasterij naturaliter calent, inter pauperes sederet, & pauperum dorsa fricaret, capita ablueret, vestimenta mundaret. Pro qua re cum tam ab Abbe quam à fratribus crebrius & acriter argueretur, non propter hoc dimisit, sed his verbis valde simpliciter respondit: Si ego modò desisterem, quis pauperibus ista exhiberet? Quod si alius, quem implicitas excusare non posset, talia præsumpsisset contra Abbatis sui imperium, haud dubium quin Deum grauiter offendisset: Melior est enim obedientia, quam stultorum victimæ. Quod autem prædicti simplicis opera Deo placierint, sequens miraculum declarabit. Tempore quodam, cum orationis causa esset Colonia, in domo cuiusdam Abrahæ hospitatus est: moete eadem, cum signum maturinarum pulsaretur in ecclesia beati Petri, surrexit, illucque festinans, cum solarij fenestram, in quo dormiebat, vidisset apertam, ostium esse putans, per eam exiuit, sicque mirabiliter depositus ad ecclesiam peruenit. Finitis maturinis rediens, cum ad ianuam domus pulsaret, & interrogaretur ab intromittentibus, unde veniret, vel ubi exiuisset, ex eius responso, quod non per ostium, sed per fenestram egressus fuerit, cognoverunt: ipse sibi tamen eiusdem miraculi conscius non fuit. Et cum eadē fenestra, bene mihi nota, satis alta sit, haud dubium quin à sanctis angelis depositus sit, ut impleretur in eo quod de capite scriptum est; Quoniam angelis suis mandauit de te, ut custodiant te in omnibus viis tuis. In manibus portabunt te, ne forte offendas ad lapidem

pedem tuum. Quam fidus custos simplicium sit Do-  
minus, sequens ostendit relatio.

## CAPUT X.

**H**omo quidam simplex Engilbertus nomine, *Simplices  
à Deo  
custo-  
diuntur.*  
de prouincia Tulpeti natus, ante paucos an-  
nos defunctus est. Iste cum esset cœcus natus,  
propter varia dona, quibus hominem eius interiore  
illuminauerat gratia diuina, in diuersis prouinciis  
noscebat, & a multis magnisque personis sexus v-  
triusque venerabatur. In cappa simplici & tunica la-  
nea, nudisque pedibus, tam æstate quam hieme ince-  
debat, & puer se regente, sic limina sanctorum satis  
remota saepius visitauit; carnibus nunquam vescebatur,  
non lectisterniis, sed modico tantum straminis vel fe-  
ni noctibus vtebatur. Ego multa bona de eo vidi, & ip-  
sem multos, tam verbo quam exemplo, edificauit. Hic  
tempore adolescentiæ, cum nocte quadam in domo  
materteræ suæ, matronæ diuitis, inter alios eius ser-  
uos se cubitum locasset, in ipso conticinio, duo fures  
parietem suffodientes ingressi sunt, qui igne disco-  
perto, lumine incenso, cistis apertis, intrepidè collo-  
quebantur; quos ut prædictus Engilbertus audiuit, &  
fures eos esse non dubitauit, cum seruos, ex utroq; latere  
dormientes excitare non posset, subsellio cultello suo  
perforato collo injecit, & clava manum armavit. Et  
quia illos quasi cœcus videre non potuit, duce auditu  
ad illos tendens, & clavam utraq; manu vibras, ex om-  
ni parte quicquid rāgere potuit, quasi furiosus feriēs,  
de domo illos ejecit. Quos usq; ad foramen secutus, du-  
citus scala obstrueret, & illi statim extra domū, nemini  
nem præter ipsum solū vigilare sensissent, de tali expul-  
sione cōfisi, habito consilio, denuo nisi sunt intrare.  
Quod ut ille ex motu scalæ sensit, unam partem scalæ  
arcæ magnæ, in qua continebantur grana, & erat fo-  
ramini cōtinua, supposuit, alteramque utraque manu  
seruauit. Illos intrantes usq; ad umbilicū. Engilbertus  
dorsa eorū, quia proni iacebāt, per scalā fortiter pres-  
fit, & in tantū depresso, ut non solū eis progressū, imo  
tiam regressum prorsus adimeret. Qui quasi sub tor-

cula-

